

Ժողովուրդ

16 հունվարի հինգշաբթի 2025
տպագրության ԺՂ տարի

3
(3034)


Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՏԱՏԻԿԻՑ ԺԱՌԱՆԳԱԾ ԲՅԱՄԱՐԸ ՉԵՔ ԿԱՐՈՂ ՎԱՃԱՌԵԼ



2025 թվականի հունվարի 1-ից շրջանառության հարկի օրենսդրական փոփոխություններից հետո ոչ միայն առետրական գործունեության հարկը 5%-ից բարձրացավ 10%-ի, այլև ոսկի վաճառողն ու պարզապես պետք է ներկայացնի ապրանքի ձեռքբերման աղբյուրը հավաստող փաստաթղթեր:

Օրինակ՝ այսուհետև տատիկն իր ոսկե քյամարը պետք է, ըստ երեւոյթին, գույքագրի, ապա կտակով փոխանցի ժառանգին: Կամ որ ավելի վատ է, քավորը նվեր ունեւորելու կնոջ հետ պարտէնելու հետ մեկտեղ պետք է պարտէնի նաեւ ոսկու գնման հիմքը՝ փաստաթուղթը:

Օրերս ոսկերիչները եւ ոսկեվաճառները իրենց բողոքի ձայնը բարձրացրին Կառավարության առջեւ, որը, սակայն, մնաց անպատասխան եւ անարձագանք:

Ոսկերիչների առաջ դրվել է ոչ միայն ֆակտուրա ներկայացնելու պահանջ, այլև մի շարք այլ դրույթներ եւս, որոնց մասին «Ոսկու շուկայի» մի մասն իրազեկվել է, մի մասը՝ ոչ:

Իրազեկման թերթիկում ասվում է. «Իրազեկում 2025 թվականի հունվարի 1-ից շրջանառության հարկի օրենսդրական փոփոխությունների մասին.

Առետրական գործունեության հարկը 5%-ից փոխվում է 10%-ի:

Այսպիսով՝ մինչեւ 2025 թվականի հունվարի 1-ը նվազեցվում են միայն ապրանքների ձեռքբերման փաստաթղթերով հիմնված ծախսերի 4%-ը, իսկ 2025թ. հունվարի 1-ից՝ փաստաթղթերով հիմնված բոլոր ծախսերի 9.5%-ը, իսկ շրջանառության 1.5%-ի փոխարեն՝ 1%-ը»:

Այս օրենքի փոփոխությամբ՝ այն կազմակերպությունները, որոնց ապրանքների ձեռքբերումները 2024 թ. ընթացքում կազմել են մինչեւ 24 միլիոն դրամ գումար, նրանք պետք է 2025 թվականի փետրվարի 1-ի դրությամբ կատարեն գույքագրում ապրանքների փաստացի առկայության մասին:


Հաջորդիվ հարկային տեսչական մարմինն իրավունք է ունենալու այցելելու եւ ստուգելու ապրանքային շարժը, որը մինչեւ 2025 թվականի հունվարի 1-ը իրավունք չուներ:

Փաստացի ստուգման պահին ապրանքային մնացորդները եթե տարբերություն տան, ոսկեվաճառները կտուգանվեն: Այսինքն՝ ոսկերիչի բոլոր տեսակները պետք է գրանցված լինեն եւ ունենան ձեռքբերման փաստաթուղթ: Եթե չունենան, հաշվարկված գումարի 20%-ի չափով վճարվելու է տուգանք, իսկ մեկ տարվա ընթացքում կրկին նույն արարքը կատարելու դեպքում՝ 50%-ի չափով տուգանք:

ՔՊ-ականները սրտատրոփ սպասում են Նիկոլ Փաշինյանի հետ հերթական հանդիպմանը: «Ժողովուրդ» օրաթերթի տեղեկություններով՝ իշխանական պատգամավորները դիմել են ՔՊ խմբակցության ղեկավարությանը՝ Փաշինյանի հետ հանդիպում կազմակերպելու համար: Ավանդատ է՝ որքան էլ ՔՊ-ականներն առերեսույթ ցույց տան, թե ամեն բան նորմալ է, եւ մեր երկիրն էլ սկանդինավյան երկրների պէս խաղաղ ու անհոգ է, իսկ Փաշինյանն էլ պնդի, թե կյանքը եռում է, միեւնույնն է՝ իշխանականներն իրենց ներսում բաց հարցեր ու անհանգստություններ ունեն: Ալիեւի սպառնալիքները սառը ցնցուղ էին ոչ միայն հայ հանրության, այլև պատգամավորների մեծ մասի համար. ի վերջո՝ Փաշինյանը իրենց վստահեցրել էր, որ երանելի խաղաղություն են կառուցում, բայց, փաստորեն, փուչիկ է այդ թեզը, որը պայթեցրեց Ալիեւը: ԵՄ անդամության հարցը եւս օդում կախված է: Փաշինյանը մեկ հայտարարեց, թե հանրաքվե չի լինելու, Հայաստանը կմոտենա ԵՄ-ին այնքան, ինչքան թույլ կտա ԵՄ-ն, իսկ հիմա լրիվ հակառակն է անում. Կառավարության նիստում է հարցը քննարկում, ասում, թե 50 հազար հոգին՝ ստորագրող հանրությունը պետք է որոշի ՀՀ եվրոպական ապագան: «Ժողովուրդ» օրաթերթը տեղեկացավ, որ ակա այս հարցերն ու ներթիմային «ռազբորկաները» պարզաբանելու նպատակով ՔՊ-ականները Փաշինյանի հետ ցանկանում են հանդիպում ունենալ, իսկ թե երբ կկայանա այն, երբ Փաշինյանը կգնա խորհրդարան, որոշված չէ, ՔՊ-ականները սպասում են խմբակցության ղեկավարի պատասխանին:



Իրավապահ մարմինները լծված են իշխանության յուրացման գործով կալանավորված, ԱԺ նախկին պատգամավոր Ռուստամ Գասպարյանի եղբոր՝ Սերոբ Գասպարյանին եւ մյուս մեղադրյալներին կալանքի տակ պահելու գործին: Այսօր պարզ կլինի՝ դատարանը բավարարել է նախաքննական մարմնի հերթական միջնորդությունը, եւ Սերոբ Գասպարյանը կշարունակի՝ մնալ ԱԱԾ մեկուսարանում, թե՛ ազատ կարձակվի: Քրեական գործով անցնող մյուս մեղադրյալների մասով եւս նախաքննական մարմինը դիմել է դատարան՝ կալանքը երկարաձգելու միջնորդությամբ: Նշենք, որ Սերոբ Գասպարյանի կալանքը 2 անգամ երկարաձգվել է. վերջին անգամ 2024 թվականի դեկտեմբերի 17-ին դատարանը նրա կալանքը մեկ ամսով երկարաձգեց: Հիշեցնենք, որ Գասպարյանը մեղադրվում է մի քանի Արցախի անձանց հետ նախնական համաձայնությամբ իշխանությունը յուրացնելու նախապատրաստություն կատարելու համար: Քրեական հետապնդում էր հարուցվել 7 անձի նկատմամբ: Նրանցից 3-ը կալանավորվել են, իսկ 4-ի նկատմամբ հայտարարվել է հետախուզում. նրանց որոնում են արդեն շուրջ 4 ամիս:



Կոռուպցիոն սկանդալների կենտրոնում հայտնված, իր հայտարարագրի սխալները փոքր վրիպակ համարող ֆինանսների նախարարը (բացահայտումն արեցին փաստաբանները) մամուլին վիրավորելու ճանապարհն է ընտրել: Երեկ նա զագրախոսել է «Ժողովուրդ» օրաթերթի հասցեին՝ շարունակելով իր ստերի շարանը ՀՀ թիվ մեկ ֆինանսական փաստաթղթի մասով: Հիմա՝ ամեն ինչի մասին հերթով: Ֆինանսների նախարար Վահե Հովհաննիսյանի մասին «Ժողովուրդ» օրաթերթը գրել էր, որ նախարարը անտեղյակ է իր կողմից ղեկավարվող ոլորտից կամ հրապարակավ ստում է: Բանն այն է, որ բյուջեի դեֆիցիտը 609 մլրդ դրամ է, իսկ հավաքագրված հարկերը պակաս են 200 մլրդ դրամով: Նախարար Հովհաննիսյանի խոսքով՝ սա ճիշտ է, որի համար կա պահուստային ֆոնդ: Սակայն «Ժողովուրդ» օրաթերթը, ուսումնասիրելով պաշտոնական փաստաթղթերը, գտել էր, որ պահուստային ֆոնդը 95.4 մլրդ դրամ է, ինչը կրկնակից քիչ է, քան հարկային եկամուտների սպասվող նվազեցումը: Սա նշանակում է, որ ֆինանսների նախարարը աջակապությամբ ու ստելով է զբաղված, որպեսզի, ըստ երեւոյթին, հավասարակշռի իր երերացող աթոռը 2024 եւ 2025 թվականների անախադեպ բյուջետային նվազեցումների ֆոնին:



ԶՐՈՒՅՑ

ՓԱՇԻՆՅԱՆԸ ԻՐ ՀԱՅՏԵՆԱԾ ՓԱՍՏԵՐԻՆ Է ՀԵՐԲՈՒՄ

Գասարանը «Երկիր Ծիրանի» կուսակցության նախագահ Ջարուհի Փոստանյանի նկատմամբ սուզանի է կիրառել՝ նվազագույն ագրեսիայի յոթնամյա 525 հազար դրամի չափով

Ջարուհի Փոստանյանը մեղադրվում է Նիկոլ Փաշինյանին գործակալ անվանելու համար:

«Ժողովուրդ» օրաթերթի հետ զրույցում Ջարուհի Փոստանյանը մանրամասներ է ներկայացրել Նիստից (ամբողջական տարբերակը հոլովակի տեսքով կարող եք դիտել ArmLur.am կայքում):

-Տիկին Փոստանյան, օրերս Ձեզ դարձյալ դատարան էին կանչել, քանի որ Դուք Նիկոլ Փաշինյանին «գործակալ» էիք որակել, նրան մեղադրել էիք հողերը հանձնելու համար. այս պատճառներով էլ դատարանը Ձեզ մեղադրանք է առաջադրում: Դուք հրաժարվել էիք հերքել Ձեր խոսքերը, ինչի համար դատարանը տուգանք կիրառեց Ձեր նկատմամբ: Մենք հետևում էինք դատական Նիստին, եւ այն բավականին թեժ անցավ: Ձեզ անընդհատ փորձում էին ընդհատել, գրկել խոսքի իրավունքից: Ի վերջո ի՞նչ կատարվեց, ու ի՞նչ գնահատական կտաք կատարվածին:

-Երբ ես դատարանի առջև էի կանգնած, դա պարզապես քաղաքացի-իրավական համակարգ հարաբերությունն էր: Կատարվածը քրեական մեղադրանք է, եւ ի տարբերություն քաղաքացիական պատասխանատվության՝ քրեական մեղադրանքը նաեւ ներառում է ազատազրկում: Այս քրեական մեղադրանքը, իհարկե, ծագել էր քաղաքացիական հարաբերություններից:



Նիկոլ Փաշինյանը այն եզակի անձն է, ով եզակի՝ մի դեպքով, քաղաքացիական հայց է ներկայացրել իր կյանքում միայն իմ նկատմամբ: Այսինքն՝ բազմաթիվ մարդիկ Նիկոլ Փաշինյանի հասցեին տարբեր հայտարարություններ են արել, այդ թվում՝ Նիկոլ Փաշինյանը նաեւ ինքն է ընդունել, որ Շուշին պետք էր իրեն, եւ խոսել է, թե ինչու է բերդաքաղաքը հանձնվել: Այդ մասին նա անձամբ հայտարարել է, ասել, որ ինքն է ստորագրել Նոյեմբերի 9-ի չարաբաստիկ հողերի հանձնման փաստաթուղթը, դրա դիմաց գումար է ստացել: Բացի դրանից՝ Նիկոլ

Փաշինյանն իր հանրահայտ հողվածներում է բազմիցս գրել այդ մասին: Այսինքն՝ մի հանրահայտ փաստ, որը իմ շուրթերով է հնչել, փաստորեն այնքան կարեւոր է եղել Նիկոլ Փաշինյանի եւ իր պատվիրատուների՝ տերերի համար, որ նրանք որոշել են, որ ես դա պետք է հերքեմ:

Եթե անգամ ես հերքեմ այդ տեղեկությունը, դրանք հայտնի փաստեր են, եւ միեւնույնն է՝ Նույնիսկ այդ դեպքում ճշմարտությունը չի կարող ընդարկվել:

Շարունակությունը ArmLur.am կայքում: **Զրույցը ՔՐԻՄՍԻՆԱ ՄՈՒՇԵՐՅԱՆԸ**

ԼՈՒՐԵՐ

ԵՐԿԱԿԻ ՄՏԱՆԳԱՐՏՆԵՐ՝ ԻՇԽԱՆՈՒԹՅՈՒՆՈՒՄ

Ինչպե՞ս է Նիկոլ Փաշինյանին քննադատության ենթարկած անձը Նշանակվել արդարադատության նախարարի խորհրդակալ:

Հունվարի 13-ին արդարադատության նախարար Սրբուհի Գալսյանի հրամանով Լյովա Սարգսյանը Նշանակվել է նախարարի խորհրդակալ: Նկատենք, որ Սրբուհի Գալսյանի խորհրդակալ Լյովա Սարգսյանի եղբայրը՝ Կարեն Սարգսյանը, 44-օրյա պատերազմի հերոս է: Արդյունքում, Գյումրու Անի թաղամասում Լյովա Սարգսյանի Նշանակումը նախարարի պաշտոնում զարմացրել է բոլորին: Բանն այն է, որ Լյովա Սարգսյանը, եղբոր հերոսաբար զոհվելուց հետո, մշտապես քննադատել է Նիկոլ Փաշինյանին, թե ինչպես նա պատճառ դարձավ բազմաթիվ զոհերի ու իր եղբոր մահվան համար: Արդյունքում իշխանություններին քննադատող Լյովա Սարգսյանը Նիկոլ Փաշինյանի իշխանությունից պաշտոն է ստանում:

Այս հարցի պատասխանը «Ժողովուրդ» օրաթերթը փորձեց ստանալ Լյովա Սարգսյանից եւ դիմեց արդարադատության նախարարություն, որտեղից ի պատասխան՝ արդարադատության նախարարի խոսնակ Շուվինար Խաչատրյանը պատասխանեց. «Այս բնույթի շահարկումները բարոյական դաշտից դուրս են, ինդրում ենք հարգել հարազատ կորցրած մարդկանց վիշտը, հեռու պահել նրանց անձնական ողբերգությունը հանրային բանասարկության մամլիցից»:

Ստացվում է, որ Փաշինյանի իշխանությանը քննադատելու համար պաշտոն են տալիս միգրացիոն լուրերում համար, իսկ ահա երկրորդ նախագահ Ռոբերտ Քոչարյանի նկարը ձեռքում նկարվելու համար պաշտոնից ազատում են արդարադատության փոխնախարար Սիրվարդ Գեորգյանին:

ՔՍՈՐ ՄԱՆՈՒԿՅԱՆ

ԱՐԱԶԱՆԳ

Տրանսպորտային համակարգում տիրող քառուսյակ իրավիճակը շարունակվում է:

Մի կողմից վճարային QR կոդերը, մյուս կողմից վալիդատորները, որոնք շատ ժամանակ խափանում են աշխատում, մեկ այլ կողմից էլ՝ տրանսպորտային միջոցների սղությունը:

Հիշեցնենք, որ Երեւանի քաղաքապետարանը 2025 թվականի հունվարի մեկից առկա բոլոր հին ավտոբուսները փոխարինեց նորերով: Կարելի է ասել, որ այստեղից էլ սկսեցին բոլոր խնդիրները:

Գանք ամենասկզբից. հին ավտոբուսները, որոնք աշխատում էին 10-15 րոպե մեկ հաճախականությամբ, փոխարինվելով նոր ավտոբուսներով՝ ուղեւորների համար առաջացրել են նոր անհարմարություններ:

«Ժողովուրդ» օրաթերթին շատ քաղաքացիներ ահազանգում են այն մասին, որ ցուրտ եղանակին 30-40 րոպե սպասում են տրանսպորտին, սակայն ապարդյուն, տրանսպորտային միջոցն այդպես էլ չի գալիս, իսկ տաքսիների գներն այնքան բարձր են, որ ձեռնտու չէ դրանցից օգտվելը:

Ավելին՝ «Ժողովուրդ» օրաթերթին քաղաքացիները նաեւ պատմում են, որ նոր

տրանսպորտների վարորդները ոչ քաղաքակիրթ ձեռով են շփվում ուղեւորների հետ, ճանապարհին խոսում եւ խաղում են հեռախոսով՝ վտանգելով ուղեւորների կյանքը:

«Ժողովուրդ» օրաթերթին նաեւ փոխանցել են, որ 27 համարի երթուղին սպասարկող վարորդն է հեռախոսով խաղացել վարելու ընթացքում:

Հարկ է նշել, որ Երեւանի քաղաքապետարանը տարածում է հայտարարություններ, որ կա վարորդների պակաս: Օրինակ՝ այս պահի դրությամբ առկա է 195 թափուր հաստից:

ԱՆՆԱ ՄՈՒՊՈՒՆՅԱՆ

ԱՅՅԵԼԵԼ ԵՆ ԳԵՐԻՆԵՐԻՆ

Այս տարվա հունվարին Կարմիր խաչի միջազգային կոմիտեի (ԿԽՄԿ) աշխատակիցները այցելել են Բաքվում ապօրինի պահվող Արցախի ռազմաքաղաքական նախկին ղեկավարներին: Այս մասին հայտնել է Ադրբեջանում ԿԽՄԿ ներկայացուցչության հասարակայնության հետ կապերի բաժնի ղեկավար Իլահա Յուսեյնովան:

«ԿԽՄԿ-ն, իր մանդատի համաձայն, այցելությունների ընթացքում գնահատում է կալանավորների նկատմամբ վերաբերմունքը, նրանց պահման պայմանները եւ հնարավորություն է ստեղծում վերականգնելու կամ շարունակելու նրանց ընտանիքների հետ կապը: Համաձայն ԿԽՄԿ ընթացակարգերի՝ այցելությունների վերաբերյալ դիտարկումներն ու առաջարկությունները տրամադրել է բացառապես կալանավորող կողմը», - ասված է հարցրդազրույցի մեջ:



«ՈՐԵՎԷ ՀԻՄՔ ԶԿԱ». ՊՆ-Ն՝ ԷՄԿԱԼԱՑԻԱՅԻ ՄԱՍԻՆ

«Հռետորաբանությունը՝ հռետորաբանություն, բայց ցանկացած ագրեսիայի համար պետք են հիմքեր», - նշել է պաշտպանության նախարար Սուրեն Պապիկյանը. «Որպես նախարար՝ չեմ տեսնում, որ տարածաշրջանում էսկալացիայի համար հիմքեր լինեն, որովհետեւ յուրաքանչյուր պորբլեմի մասով Հայաստանն ունի առաջարկներ ու լուծումներ, եւ կարծում եմ՝ հնարավոր է երկխոսություն: Մեր առաջարկները քննարկելու, ըստ անհրաժեշտության՝ ավելի հանրային դարձնելու միջոցով կկարողանանք մեր մոտեցումները, տարածաշրջանում խաղաղության հասնելու ընկալումները բոլորին հասանելի դարձնել»:

ԵՐԵՎԱՆԸ՝ ԵԱՏՄ ՀԻՄՆԱԿԱՆ ԸԱՀԱՌՈՒՄ

Հայաստանի Հանրապետության տնտեսության աճը ցույց է տալիս, որ Երեւանը Եվրասիական տնտեսական միության (ԵԱՏՄ) անդամակցության հիմնական շահառուն է: Այս մասին հայտնում է ՏԱՍՍ-ը՝ մեջբերելով ՌԴ փոխվարչապետ Ալեքսեյ Օվերչուկի հայտարարությունը:

«Վերջին տարիներին Հայաստանի առեւտրի եւ տնտեսության աճը վկայում է այն մասին, որ Հայաստանը ԵԱՏՄ անդամակցության հիմնական շահառուն է», - նշել է Ռուսաստանի փոխվարչապետը:

Անդրադառնալով հարցին, թե կարո՞ղ է արդյոք որեւէ մեկը զբաղեցնել Հայաստանի տեղը ԵԱՏՄ-ում, Օվերչուկն այդ հարցը ոչ կործնել է անվանել:

«Նման հարց տալ հնարավոր չէ, քանի որ ԵԱՏՄ-ին անդամակցելու հարցը միշտ էլ երկրի անկախ որոշումն է, որը, ելնելով իր շահերից, որոշում է անդամակցել կամ չանդամակցել: Այստեղ անհայտ օգուտներ կան», - ասել է Օվերչուկը:

Նա նաեւ ընդգծել է, որ այդ օգուտները ներառում են էներգետիկայի եւ սննդի անվտանգության ապահովումը եւ տնտեսական զարգացման համար կայուն պայմանների ստեղծումը:

«Եվ ամենակարեւոր օգուտն անարգել մուտքն է հսկայական շուկա, որտեղ պահանջարկ կա նման երկրի ապրանքների համար»:

ՀԱՅԱՍՏԱՆԸ ՌԴ-ԻՆ ԲՈՂՈՔԻ ՆՈՏԱ Է ՀՂԵԼ

2025թ. հունվարի 12-ին Ռուսաստանի Դաշնության համառուսաստանյան պետական հեռուստատեսության եթերում թողարկված «Շաբաթվա լուրեր» հաղորդման առնչությամբ, որի ընթացքում հնչեցվել էին արհեստականորեն գեներացված խոսույթներ Հայաստանի Հանրապետության ինքնիշխանության եւ տարածքային ամբողջականության դեմ, հունվարի 15-ին ՀՀ ԱԳ նախարարություն է կանչվել Հայաստանի Հանրապետությունում Ռուսաստանի Դաշնության դեսպան Սերգեյ Կոպիրկինը:

Ինչպես հայտնում է ՀՀ ԱԳ-ն, հանդիպման ընթացքում դեսպանին է հանձնվել համապատասխան բողոքի հայտագիր:

ԻՐԱՎԻՃԱԿ

ՏԱՐԱԾԱՇՈՋԱՆԱՅԻՆ ԶԵՐԹԱԿԱՆ ԱՆՊՐԱԴԱՐՁ

«ՀՀ-Ն ԼՈՒԾՈՒՄՆԵՐ Է ԱՌԱՋԱՐԿԵԼ» ՓԱՇԻՆՅԱՆ

ԱՄՆ-ՈՒՄ ՀՐԴԵՆՆԵՐԸ ԵՆԱՐՈՒՆԱԿՎՈՒՄ ԵՆ



Շուրջ 1 շաբաթ է, ինչ չի հաջողվում մարել Կալիֆորնիայում բռնկված հրդեհը: Ավելի քան 30 հազար մարդու հորդորել էին լքել իրենց տները:

Հրդեհը սկիզբ է առել անտառներից, այնուհետև հասել մարդկանց տներին: Այս օրերին ԱՄՆ-ն կրել է ավելի քան 60 մլրդ դոլարի վնաս:

Ջոհերի թիվը հասել է 24-ի, իսկ 16 հոգուց ոչ մի լուր չկա, եւ այս թիվը կարող է աճել: Հրդեհների հետեւանքով հոլիվուդյան մի քանի աստղեր արդեն կորցրել են իրենց տները, այդ թվում՝ Էնթոնի Հոփքինսը, Փերիս Հիլթոնը, Բիլի Քրիսթալը եւ Մել Գիբսոնը:

Լոս Անջելես քաղաքում բռնկված խոշոր հրդեհից այրվել է նաեւ ԱՄՆ-ի «Սահակ-Մետրոպ Յայ Քրիստոնյա» դպրոցի շենքը:

Կալիֆորնիայի նահանգապետ Գեյնս Նյուսոմը հրդեհների պատճառով արտակարգ դրություն է հայտարարել:

Նախագահ Ջո Բայդենը հայտարարության մեջ ասել է, որ հետեւում է զարգացումներին եւ առաջարկել է ցանկացած դաշնային օգնություն, որն անհրաժեշտ է սարսափելի հրդեհը մարելու համար:

Աղետալի իրավիճակին անդրադարձել են նաեւ մի շարք հայ հայտնիներ, ովքեր բնակվում են Ամերիկայի Միացյալ Նահանգներում: Նրանք իրենց սոցիալական էջերում կիսվել են իրավիճակով:

Օրեր առաջ եղան խոսակցություններ, թե հրդեհը հասել է Հոլիվուդի բլուրներ, սակայն ավելի ուշ պարզվեց, որ սա կեղծ տեղեկատվություն էր:

Քամին գնալով ուժգնանում է, եւ հրդեհը սպառնում է տարածվել դեպի խիտ բնակեցված Սան Ֆերնանդո հովիտը, որտեղ ապրում է մոտ 1,8 միլիոն մարդ:

ԻՐԱՆԸ ՄԻՋՈՒԿԱՅԻՆ ԶԵՆՔ ՍՏԵՂԾԵԼՈՒ ԵՊԱՏԱԿ ԶՈՒՆԻ

Իրանի նախագահ Մասուդ Փեզեշքիանը հայտարարել է, որ Թեհրանը միջուկային զենքի ստեղծման նպատակ չի հետապնդում: Իրանի նախագահն այդ մասին ասել է NBC News-ին տված հարցազրույցում:

«Մենք չենք ձգտում միջուկային զենք ստեղծել, բայց մեզ մեղադրում են, թե մենք իբր ռուսներ ենք մշակում: Դա սխեմա է, որը նրանք փորձում են օգտագործել պատրվակ ստեղծելու համար», - ասել է նա:

ՀՀ վարչապետ Նիկոլ Փաշինյանը ֆեյսբուքյան էջում գրում է. «Հայաստանի Հանրապետության կողմից վարվող բազմաափուրված եւ բազմաափուրման արտաքին քաղաքականությունը հասնում է իր առաջնային հանգրվանին:

Իրանի Իսլամական Հանրապետության հետ մեր հարաբերություններն առարկայական են առավել քան երբեմն: Այդ հարաբերությունները հիմնված են բնական շահերի վրա, ինչը փոխգործակցության ամենահուսալի բազան է եւ հարաբերությունների կայունության երաշխիք:

Վրաստանի հետ մեր հարաբերությունները գտնվում են ռազմավարական գործընկերության ուղեծրում՝ բացելով զարգացման նոր հեռանկարներ եւ պոտենցիալ:

Թուրքիայի հետ ըմբռնման տեսանկյունից բազա է ձեւավորված:

Ադրբեջանի հետ հարաբերություններում առկա բոլոր հարցերին Հայաստանի Հանրապետությունն առաջարկել է կառուցողական լուծումներ: Ոչ թե առաջարկներ է արել, այլ լուծումներ է առաջարկել: Այս համատեքստում տարածաշրջանում էսկալացիաներ հրահրելու բոլոր ջանքերը զուրկ են լեգիտիմությունից եւ հիմքից, ինչը նշանակում է, որ տարածաշրջանը էսկալացնել չի հաջողվի:

Ռուսաստանի Դաշնության հետ մեր հարաբերությունները պրակտիկ են առավել քան երբեմն, առանցքում ունենալով կոնկրետ հարցեր՝ առանց էմոցիոնալ փաթեթավորման: Մենք նպատակաուղղված ենք այս հարաբերությունները զարգացնել փոխշահավետ համագործակցության եւ ինքնիշխանության հիման վրա:

Ֆրանսիայի հետ մեր բարեկամությունը ամրապնդվել է եւ զարգացել:

ՕՐՎԱ ԽՃԱՆԿԱՐ ՀԱՌՔԱՎԱՆՔԸ ՆԵՐԿԱՅԱՑՎԵԼ Է ՈՐՊԵՍ ԱԿՐԲԵՋԱՆԱԿԱՆ

Հայաստանի զավթման ադրբեջանական իշխանության ծրագիրն արդեն երկրորդ անգամ Հառիճավանքը ներկայացնում է ադրբեջանական ժառանգություն: Այս մասին գրել է ՀՀ մարդու իրավունքների նախկին պաշտպան Արման Թաթոյանը:

«Ադրբեջանական իշխանական հեռուստաընկերությունը Հայաստանի Շիրակի մարզի Հառիճավանք վանական համալիրը պատմական փաստերի կեղծումով ներկայացնում է՝ որպես «Արեւմտյան Ադրբեջանի» մշակույթի մաս:

Այս տեսանյութում Հառիճավանքը ներկայացվում է՝ որպես արբանյակ կրոնական, մշակութային ժառանգություն: Փորձ է արվում հերքելու հայերի՝ որպես առաջին քրիստոնյա ազգ լինելը:

Տեսանյութը հայերի դեմ ռասիստական եւ թշնամանքի ադրբեջանական պետական քարոզի մաս է, որով հետևողական կեղծիքներով ստեղծվում են Հայաստանի նկատմամբ ագրեսիայի հիմքեր:

Հառիճավանքը Հայաստանյայց Առաքելական Սուրբ Եկեղեցու վանական համալիրներից է, հիմնադրվել է վաղ միջնադարում եւ պատմականորեն եղել է ոչ միայն հայոց հոգեւոր կենտրոն, այլեւ կր-



Եվրամիության հետ հարաբերությունները սերտ են առավել քան երբեմն, ինչն արձանագրվում է նաեւ Բրյուսելում:

Ամերիկայի Միացյալ Նահանգների հետ մեկնարկում է ռազմավարական գործընկերություն:

Հնդկաստանի հետ մեր հարաբերությունները նոր կշիռ եւ իմաստ են ձեռք բերել:

Հինաստանի հետ մեր հարաբերությունները զարգանում են եւ խորանում:

Մերձավոր Արեւելքում գործընկերության նոր հնարավորություններ են ստեղծվել:

Այս դիրքավորումը Հայաստանի անկախության, ինքնիշխանության եւ պետականության հարատւության օրակարգը հաջողությամբ սպասարկելու ամուր նախադրյալներ է ստեղծում, ինչը կիրառործվի բալանսավորման եւ բալանսավորված արտաքին քաղաքականության առաջիկա փուլերում»:

թական եւ մշակութային կարեւոր օջախ», - գրել է նա:

ՓԱՒՈՆԸ ՈՂՋՈՒՆԵԼ Է ՀՀ-Ի ԵՎ ԱՄՆ-Ի ՄԻՋԵՎ ՈԱԶՄԱՎԱՐԱԿԱՆ ԳՈՐԾԵՆԿԵՐՈՒԹՅՈՒՆԸ

ԱՄՆ կոնգրեսական Փրենկ Փալոնը ողջունում է Ամերիկայի Միացյալ Նահանգների եւ Հայաստանի Հանրապետության միջեւ ռազմավարական գործընկերության մասին պատմության մեջ առաջին փաստաթղթի ստորագրումը: Այս մասին հաղորդագրություն է տարածել ԱՄՆ կոնգրեսականի կայքը: Հաղորդագրության մեջ նշվում է, որ այս համաձայնագիրը մի քանի ամիս տեսած քննարկումների արդյունք է, որոնք սկսվել էին 2024 թվականի հունիսին ԱՄՆ պետքարտուղարի տեղակալ Ջեյմս Օ'Բրայենի՝ Հայաստան կատարած այցի ընթացքում:

Այդ այցի ընթացքում Օ'Բրայենը հայտարարել էր ԱՄՆ-ի եւ Հայաստանի միջեւ ռազմավարական երկխոսության շրջանակներում հանդիպում անցկացնելու մասին, որի ընթացքում կքննարկվեն երկու կողմ հարաբերությունների խորացման ուղղությամբ ձեռք բերված զգալի առաջընթացը եւ հետագա քայլերը: Ռազմա-

վարական գործընկերության մասին համաձայնագիրը հաջորդ քայլն է տնտեսական եւ էներգետիկ, անվտանգության եւ իրավապահ ոլորտներում, ինչպես նաեւ ժողովրդավարական բարեփոխումների եւ արդարադատության ոլորտում երկրների միջեւ ավելի սերտ համագործակցություն հաստատելու գործընթացում:

«Այս համաձայնագիրն ընդգծում է ԱՄՆ-ի եւ Հայաստանի հարաբերությունների զգալի առաջընթացը: Մի գործ, որը եւ եռանդով պաշտպանել էմ՝ որպես Կոնգրեսի հայկական հարցերով խմբի համանախագահ: Սա ցույց է տալիս 2018 թվականի թավշյա հեղափոխությունից հետո Հայաստանի կառավարության իրականացրած աճն ու կարեւոր բարեփոխումները եւ ընդգծում էրկրի՝ որպես Հարավային Կովկասում ԱՄՆ-ի հուսալի գործընկեր հանդես գալու հեռանկարները: Ամենակարեւորը՝ ռազմավարական գործընկերությունը նշանակում է ավելի սերտ երկկողմ կապեր մեր երկրների միջեւ, հետագա ամերիկյան ներդրումներ Հայաստանի ապագայի համար եւ, ընդհանուր առմամբ, ավելի սերտ կապ մեր ժողովուրդների միջեւ: Ուրախ եմ, որ Բայդենի վարչակազմը պաշտոնապես հայտարարեց այս գործընկերության մասին, եւ ես անհամբերությամբ սպասում եմ Պետական դեպարտամենտի եւ Հայաստանի կառավարության հետ սերտ համագործակցությանը՝ այս դրական դիմադրական շարունակելու համար», - ասել է Փալոնը:

ԲԱՅԱՅԱՅՏՈՒՄ

ԱՌԱՆՁՆԱՊԵՍ ԽՈՇՈՐ ՉԱՓՈՎ ԿԱՇԱՌՔԻ ԳԵՊՔԵՐ

Շալիկո Նաղոյանին մեղադրանք է առաջադրվել այն բանի համար, որ նա Սերգեյ Աղաջանյանի միջնորդությամբ ՀՀ բննչական կոմիտեի գինվորական բննչական գլխավոր վարչության հասկաղես կարեւոր գործերի բննության վարչության հասկաղես կարեւոր գործերով ավագ բննիչ Մանվել Աղամյանին սվել է առանձնապես խոշոր չափերով կաշառք վերջինիս կողմից դաշնային օգտագործելով իր որդու՝ գորակոչիկ Փառա Նաղոյանի օգտին գործողություն կատարելուն նպաստելու համար:



Արտյոմ Դավթյանին մեղադրանք է առաջադրվել այն բանի համար, որ նա փորձել է մորեղբոր՝ Յուրիանու Առաքելյանի, հորեղբոր՝ Յուրի Դավթյանի օժանդակությամբ, համագյուղացի Սերգեյ Աղաջանյանի միջնորդությամբ առանձնապես խոշոր չափերով կաշառք տալ ՀՀ քննչական կոմիտեի գինվորական քննչական գլխավոր վարչության հատկապես կարեւոր գործերի քննության վարչության հատկապես կարեւոր գործերով ավագ քննիչ Մանվել Աղամյանին՝ վերջինիս կողմից պաշտոնական դիրքն օգտագործելով իր օգտին գործողություն կատարելուն նպաստելու համար, սակայն հանցագործությունն իր կամքից անկախ հանգամանքներով ավարտին չի հասցրել:

միջնորդությամբ առանձնապես խոշոր չափերով կաշառք տալու փորձին:

Սարգիս Գրիգորյանին մեղադրանք է առաջադրվել այն բանի համար, որ նա հորաքրոջ որդու՝ Արթուր Մինասյանի օժանդակությամբ եւ Սերգեյ Աղաջանյանի միջնորդությամբ փորձել է առանձնապես խոշոր չափերով կաշառք տալ ՀՀ քննչական կոմիտեի գինվորական քննչական գլխավոր վարչության հատկապես կարեւոր գործերի քննության վարչության հատկապես կարեւոր գործերով ավագ քննիչ Մանվել Աղամյանին՝ վերջինիս

կողմից պաշտոնական դիրքն օգտագործելով իր օգտին գործողություն կատարելուն նպաստելու համար, սակայն հանցագործությունն իր կամքից անկախ հանգամանքներով ավարտին չի հասցրել:

Ծանուցում. հանցագործության համար մեղադրվողը համարվում է անմեղ, քանի դեռ նրա մեղավորությունն ապացուցված չէ Քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ՔՆՍՐ ՄԱՆՈՒԿՅԱՆ

ՔՐԵԱԿԱՆ ՔՐՈՆԻԿՈՆ

ՕՐԵՆՍԳՐԱԿԱՆ ՓՈՓՈԽՈՒԹՅՈՒՆՆԵՐ

Ներքին գործերի նախարարության կողմից մշակված «Հայաստանի Հանրապետության հարկային օրենսգրքում լրացում կատարելու մասին» ՀՀ օրենքի նախագծով առաջարկվում է լրացում կատարել օրենսգրքի 245-րդ հոդվածում սահմանելով, որ փոխադրամիջոցների գույքահարկից ազատվում են նաեւ հանցագործության հիմքով սեփականատիրոջ տիրապետումից դուրս գտնվող փոխադրամիջոցների սեփականատերերը՝ այդ փոխադրամիջոցի մասով: Այս մասին ասել է ՀՀ ներքին գործերի նախարարի տեղակալ Արմեն Մկրտչյանը՝ Ազգային ժողովի տնտեսական հարցերի մշտական հանձնաժողովի հունվարի 15-ին հրավիրված նիստի ընթացքում Ներկայացնելով «ՀՀ հարկային օրենսգրքում փոփոխություն եւ լրացումներ կատարելու մասին» եւ «ՀՀ քրեական դատավարության օրենսգրքում փոփոխություն եւ լրացում կատարելու մասին» օրենսդրական փաթեթով առաջարկվող փոփոխությունները:

հիմքով սեփականատիրոջ տիրապետումից դուրս գտնվելու մասին քրեական վարույթ հարուցելու պահից մինչեւ փոխադրամիջոցը դրա սեփականատիրոջ տնօրինմանը հանձնելն ազատվում են հանցագործության հիմքով սեփականատիրոջ տիրապետումից դուրս գտնվող փոխադրամիջոցի գույքահարկից, եթե շարժական գույքի կադաստր վարող մարմնի կողմից Կառավարության որոշմամբ սահմանված կարգով փոխադրամիջոցի գույքահարկի հաշվառում իրականացնող համապատասխան տեղական ինքնակառավարման մարմնում տեղեկատվություն է ստացվում հանցագործության հիմքով սեփականատիրոջ տիրապետումից դուրս գտնվող փոխադրամիջոցի պետական գրանցումը կատարված լինելու մասին:

Փոխնախարարի խոսքով նախագծի ընդունման արդյունքում հանցագործության հիմքով սեփականատիրոջ տիրապետումից դուրս գտնվող փոխադրամիջոցների սեփականատերերն այդ փոխադրամիջոցի մասով կազատվեն գույքահարկի վճարման պարտավորությունից, իսկ համայնքն իրական հնարավորություն կստանա հանցագործության հիմքով հափշտակված տրանսպորտային միջոցի սեփականատիրոջ փոխարեն փոխադրամիջոցի գույքահարկի գծով առաջացած հարկային պարտավորության արժեքի չափով որպես հանցագործու-

թյամբ պատճառված վնաս գումար գանձել հանցանք կատարած անձից:

Հանձնաժողովը դրական եզրակացություն է տվել օրենքի նախագծին:

ԳԺԲԱՄՏ ԱՎԱՐՏՈՎ ՎԻՃԱԲԱՆՈՒԹՅՈՒՆ՝ ՀԱՐԵՎԱՆՆԵՐԻ ՄԻՋԵՎ

Հունվարի 14-ին՝ ժամը 13:10-ին, ՆԳՆ ոստիկանության Արմավիրի մարզի օպերատիվ կառավարման կենտրոն «Վաղարշապատ» բժշկական կենտրոնից հաղորդում է ստացվել, որ «կրծքավանդակի ծակած-կտրած թափանցող վերք» փստորոշմամբ բուժօգնության է դիմել էջմիածնի բնակիչ, 33-ամյա մի տղամարդ: Այս մասին հայտնում են ՀՀ ՆԳՆ ոստիկանությունից:

Էջմիածնից հայտնաբերվել, ձերբակալվել եւ կազմված փաստաթղթերի հետ ներկայացվել է Վաղարշապատի քննչական բաժին: Ավելի ուշ հիվանդանոցից հայտնել են, որ 33-ամյա տղամարդը մահացել է:

Ձեռնարկվում են միջոցառումներ հանցագործության գործիք դառնալը հայտնաբերելու ուղղությամբ:

ԻՐԱՎԻՃԱԿ

ՄԻՊ-Ե ԱՅՑԵԼԷԼ Է «ՄԵՎԱՆ» ԔԿ ՀԻՄՆԱՐԿ

Մարդու իրավունքների պաշտպան Անահիտ Մանասյանը հունվարի 14-ին այց է իրականացրել արդարադատության նախարարության «Մեան» քրեակատարողական հիմնարկ:

Հիմնարկի պետ Արտակ Ղազարյանի եւ ՄԻՊ ներկայացուցիչների ուղեկցությամբ Անահիտ Մանասյանը շրջայց է կատարել տարածքով, այցելել կացարաններ, ուսումնասիրել քրեակատարողական հիմնարկում պահվող անձանց պահման պայմանները:

Այնուհետեւ Մարդու իրավունքների պաշտպանն ու ՄԻՊ ներկայացուցիչներն առանձին հանդիպումներ են ունեցել ազատագրված դատապարտված անձանց, այդ թվում՝ օտարերկրացի, ցմահ ազատագրված դատապարտված, հացադուլ հայտարարած անձանց հետ, որի ընթացքում վերջիններս ներկայացրել են իրենց խնդիրները:

Ազատությունից զրկված անձինք, ի թիվս այլնի, բարձրաձայնել են պատիժը կրելուց պայմանական վաղաժամկետ ազատմանը, անվտանգային գոտու փոփոխության հնարավորությանը, առողջության պահպանման, կրթության իրավունքներին, զբաղվածությանն առնչվող հարցեր եւ մի շարք այլ խնդիրներ:

«Ազատությունից զրկված վայրերում իրավունքների ապահովման հարցերը մշտապես գտնվում են Մարդու իրավունքների պաշտպանի անմիջական ուշադրության ներքո: Այցերի շրջանակներում վերհանված խնդիրները մանրամասն վերլուծվում են Պաշտպանի կողմից, համապատասխան առաջարկները ներկայացվում են իրավասու մարմիններին՝ ուղորտը բարելավելու նպատակով:

ՉԵՆ ՎՃԱՐՎԵԼ ԽՈՇՈՐ ՉԱՓԻ ՀԱՐԿԵՐ

2024 թվականի հոկտեմբերի 22-ին ՀՀ քննչական կոմիտեի տնտեսական հանցագործությունների եւ մաքսանենգությունների քննության գլխավոր վարչությունում նախաձեռնված քրեական վարույթով առերեսույթ փաստական տվյալներ են ձեռք բերվել, որ Մ.Խ.-ն, հանդիսանալով կենցաղային սարքավորումների եւ էլեկտրոնիկայի մանրածախ առետրով զբաղվող ընկերության գործունեությունը փաստացի ղեկավարող անձ, 2021-2024 թվականներն ընկած ժամանակահատվածում թաքցրել է առանձնապես խոշոր չափերով՝ 337 մլն 384 հզր ՀՀ դրամի հարկեր: Նախաքննության ընթացքում 20 մլն ՀՀ դրամը վերականգնվել է պետական բյուջե: 2025 թվականի հունվարի 10-ին Մ.Խ.-ի նկատմամբ հարուցվել է հանրային քրեական հետապնդում Քրեական օրենսգրքի 290-րդ հոդվածի 3-րդ մասի 2-րդ կետով (առանձնապես խոշոր չափերով հարկերը, տուրքերը կամ այլ վճարներ չվճարելը):

Վերջինիս նկատմամբ որպես այլընտրանքային խափանման միջոց կիրառվել է բացակայելու արգելքը:

● Ըստ ոստիկանության տվյալների՝ հունվարի 14-ից 15-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 146 դեպք, որից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

ՍՈՒԲՎԵՆՑԻՈՆ ԾՐԱԳՐԵՐԻ ՀԵՏԱԶԳՄԱՆ ՊԱՏՃԱՌԸ

Տավուշի մարզպետ Յայկ Ղալումյանին հղել ենք հետևյալ հարցը. «Տավուշի մարզպետարանի տվյալներով 2024 թվականին Տավուշի մարզի համար վերջնական հաստատվել է սուբվենցիոն 20 ծրագիր, որից 4-ն է իրականացվել, 8-ը՝ մասամբ, 8-ն էլ իրականացման տարբեր փուլում են: Ինչո՞ւ ենք հայտնել, թե որո՞նք են մասամբ իրականացված եւ իրականացման տարբեր փուլերում գտնվող, ընդհանուր առմամբ 16 ծրագրերը, որոնք են դրանք իրականացնող կազմակերպությունները, ծրագրերից յուրաքանչյուրը ի՞նչ պատճառով է սահմանված ժամկետից հետաձգվել»: Մարզպետարանից պատասխանել են. «2024 թվականին հաստատված սուբվենցիոն ծրագրերի մի մասը կազմված է նաեւ ենթածրագրերից, մասնավորապես, Բերդ համայնքի Բերդ քաղաքի թիվ 2 եւ թիվ 3, Տավուշ, Վ. Ծաղկավան, Չինչին, Վ. Կ. Աղբյուր, Այգեձոր, Արծվաբերդ, Մովսես, Նավուր, Չինարի, Չորաթան, Պառավաքար եւ Այգեպար բնակավայրերի մանկապարտեզների շենքերի եւ բակային տարածքների վերանորոգման ծրագիրը, որը կազմված է 15 ենթածրագրերից, որից 10-ի շինարարական աշխատանքներն արդեն ավարտվել են, իսկ 5-ի աշխատանքները կավարտվեն 2025 թվականին: Նմանատիպ ծրագրեր առկա են նաեւ մարզի մյուս համայնքներում, հետեւաբար դրանք դիտարկվում են կամ մասամբ ավարտված կամ որպես ընթացիկ ծրագրեր»:

ԹԱՓԱՌՈՂ ԸՆԵՐԻ ՎԵՐԱԲԵՐՅԱԼ

Տավուշի մարզպետ Յայկ Ղալումյանին հարցրել ենք՝ Տավուշի մարզպետարանը հայտնել է, որ մարզպետ Ղալումյանը մասնակցել է 33 տարածքային կառավարման եւ ենթակառուցվածքների նախարարությունում նախարար Գնել Սանտյանի գլխավորությամբ եւ մարզպետների մասնակցությամբ (նախկինում կայացած) հերթական խորհրդակցությունը, ուր անդրադարձ է կատարվել ԱԺ պատգամավորների կողմից ներկայացված «Կենդանիների նկատմամբ պատասխանատու վերաբերմունքի մասին» օրենքի եւ հարակից օրենքների նախագծին, քննարկվել է համայնքներում թափառող շների հետ կապված խնդիրը: Տավուշի մարզում թափառող խնդիրը ինչպե՞ս է լուծվելու: Մարզպետարանից լրագրողական հարցապնդմանը պատասխանել են. «Համայնքներում իրականացվում են թափառող կենդանիների ստերջացման, վնասագերծման աշխատանքներ՝ ավելի մանրամասն տեղեկատվություն ստանալու համար կարող եք դիմել մարզի համայնքապետարաններին»: Ի՞նչ է նշանակում թափառող կենդանիների վնասագերծման աշխատանքներ, դա ո՞նց է համապատասխանում կենդանիների նկատմամբ պատասխանատու վերաբերմունքին՝ մարզպետ Յայկ Ղալումյանը կիմանա:

ՈՍՎԱՆ ՍՈՐՈՒՅԱՆ Տավուշ

ԽՆԴԻՐՆԵՐ ԵՎ ՔԱՈՍ

Ե՞ՐԻ ԿԵԱՐԳԱՎՈՐՎԻ ՏՐԱՆՍՊՈՐՏԸ ԵՐԵՎԱՆՈՒՄ

Երեւանի տրանսպորտային համակարգում սիրում են քառու ու մի քար խնդիրները:

Մի կողմից վճարային QR կոդերը, մյուս կողմից վալիդատորները, որոնք շատ ժամանակ խափանում են աշխատում, մեկ այլ կողմից էլ՝ տրանսպորտային միջոցների սղությունը:

Հիշեցնենք, որ Երեւանի քաղաքապետարանը 2025 թվականի հունվարի մեկից առկա բոլոր հին ավտոբուսները փոխարինեց նորերով: Կարելի է ասել, որ այստեղից էլ սկսեցին բոլոր խնդիրները:

Գանք ամենակարգից. հին ավտոբուսները, որոնք աշխատում էին 10-15 րոպե մեկ հաճախականությամբ, փոխարինվելով նոր ավտոբուսներով՝ ուղեւորների համար առաջացրել են նոր անհարմարություններ:

«Ժողովուրդ» օրաթերթին շատ քաղաքացիներ ահազանգում են այն մասին, որ ցուրտ եղանակին 30-40 րոպե սպասում են տրանսպորտին, սակայն ապարդյուն, տրանսպորտային միջոցն այդպես էլ չի գալիս, իսկ տաքսիների գներն այնքան բարձր են, որ ձեռնտու չէ դրանցից օգտվելը:

Ավելին՝ «Ժողովուրդ» օրաթերթին քաղաքացիները նաեւ պատմում են, որ նոր տրանսպորտների վարորդները ոչ քաղաքակիրթ ձեւով են շփվում ուղեւորների հետ, ճանապարհին խոսում եւ խաղում են հեռախոսով՝ վտանգելով ուղեւորների կյանքը:

«Ժողովուրդ» օրաթերթին նաեւ փոխանցել են, որ 27 համարի երթուղին սպասարկող վարորդն է հեռախոսով խաղացել վարելու ընթացքում:

Հարկ է նշել, որ Երեւանի քաղաքապետարանը տարածում է հայտարարություններ, որ կա վարորդների պակաս: Օրինակ՝ այս պահի դրությամբ առկա է 195 թափուր հաստիք:

Ավելի վաղ «Ժողովուրդ» օրաթերթը գրել էր. ««Ժողովուրդ» օրաթերթը ահազանգեր է ստանում քաղաքացիներից այն



մասին, որ տրանսպորտից օգտվելը դարձել է նոր փորձություն:

Ըստ ահազանգած քաղաքացիների՝ 39 համարի երթուղու վարորդը սպառնացել է, որ եթե QR կոդով վճարումը չի հաստատվում, ապա քաղաքացիներին տուգանք է հասնում 30.000 ՀՀ դրամի չափով:

Հետաքրքիրն այն է, որ տեղմիսակներից QR կոդ գնելն էլ է խնդիր դարձել, քանի որ տեղմիսակ կամ չի տրամադրում QR կոդով թերթիկը, կամ էլ տրամադրում է այնպիսին, որը օգտագործման համար պիտանի չէ:

«Ժողովուրդ» օրաթերթը այս խնդրով կապ հաստատեց Երեւանի քաղաքապետարանի մամուլի խոսնակ Յայկ Կոստանյանի հետ՝ պարզելու՝ արդյոք քաղաքացիներին տուգանելու են նրա համար, որ QR կոդով վճարումն իրականացնել չի հաջողվում:

Յայկ Կոստանյանը «Ժողովուրդ» օրաթերթին փոխանցեց, որ որպեսզի քաղաքացիներին կարողանան տուգանել, պետք է համապատասխան որոշում լինի, իսկ ներկայումս քաղաքացիներին տուգանելու

հարցով որոշում չկա: Տուգանքի նման մեխանիզմ այս պահին չի գործում: Կոստանյանը նաեւ հավելեց, որ տնօրինությանը կփոխանցի, որ նման իրավիճակ է եղել:

Ինչ վերաբերում է տրանսպորտային համակարգում առաջացած խոտաններին, որոնք բարդացնում են քաղաքացիների երթուղությունը, Կոստանյանն ասաց, որ իրենք պարպերաբար ասում են՝ ցանկացած առաջացած տեխնիկական խնդրի վերաբերյալ քաղաքացիներին իրենց իրազեկեն, որպեսզի բոլոր տեխնիկական խնդիրներին լուծում տրվի: Կոստանյանը նաեւ հավելեց, որ անընդհատ տեխնիկական վերազինումներ են լինում, պարբերաբար տարբեր փորձարկումներ են իրականացվում, որպեսզի նման դեպքերը հասնեն կամ նվազագույնին, կամ առհասարակ չլինեն:

Հավելենք, որ խնդիրների մեծ մասն առաջանում է QR կոդերի առնչությամբ, որոնք կամ ուղղակիորեն անվավեր են լինում, կամ չեն աշխատում»:

ԱՆՆԱ ՍՈՐՈՒՅԱՆ

ԼՈՒՐԵՐ

ԱՆԴՐԱԳԱՐՉ՝ ԵՂԱՆԱԿԻՆ

«Հիդրոոգեոտեղաբանության եւ մոնիթորինգի կենտրոն» ՊՈԱԿ-ի տնօրենի տեղակալ Գագիկ Սուրենյանը գրում է. «2008թ. այս օրերին Արարատյան դաշտում եւ Երեւանում գիշերային ժամերին ջերմաստիճանը իջավ -26... -28, իսկ լեռնային մարզերում՝ -30... -36 աստիճան: Ցուրտը դա էր, ոչ թե այսօրվա գիշերվա -1... -3 աստիճանը, որը հունվարի համար համարվում է նորմայից 3-5 աստիճանով բարձր ջերմաստիճան: Զգացողական սառնությունը պայմանավորված է արեւի բացակայությամբ եւ բարձր հարաբերական խոնավությամբ»:

ԱԳՐԲԵՋԱՆՑԻ ԶԻՆԾԱՌԱՅՈՂ Է ԻՆՔՆԱՍՊԱՆ ԵՂԵԼ

Աղրբեջանցի գինձառային Ադիլ Բախշալիեւն ինքնասպան է եղել՝ ծառայողական հրազենից կրակելով իր վրա: Դեպքը տեղի է ունեցել օկուպացված Արցախի

Հանրապետության Քարվաճառի շրջանում:

Տեղեկությունը փոխանցվել է զինվորական դատախազություն, հարուցվել է քրեական գործ:

ԳԻՏԱԿԱՆ ՆԱԽԱԳԻԾ

ԿԳՄՍ նախարարի հրամանով հաստատվել է 2024 թվականի կազմակերպված ԿԳՄՍ նախարարության բարձրագույն կրթության եւ գիտության կոմիտեի եւ Իտալիայի Հանրապետության ազգային հետազոտությունների խորհրդի կողմից անցկացվող գիտական հետազոտությունների համատեղ նախագծերի աջակցության միջազգային մրցույթի արդյունքում ֆինանսավորման երաշխավորված գիտական նախագծերի ցանկը:

Իտալիայի ազգային հետազոտությունների խորհրդի հետ ձեռք բերված համաձայնությամբ համատեղ ֆինանսավորման է երաշխավորվել 10 գիտական նախագիծ՝ 24 ամիս տևողությամբ:

«ՀՀ ԿԳՄՍՆ ԲԿԳԿ-ԻՀ ԱՀԽ-2024» միջազգային մրցույթում երաշխավորված

գիտական նախագծերի ֆինանսավորումը կմեկնարկի 2025 թվականի փետրվարից:

ԶԵՂԾԱՐԱՐՈՒԹՅՈՒՆ

Համացանցի Facebook, Telegram եւ սոցիալական այլ հարթակներում տարածվում են «Գումարի փոխանակում ֆանտաստիկ արժեքով», «ՀՀ դրամը ՌԴ ռուբլիով բարձր փոխարժեքով փոխելու» եւ նմանօրինակ բովանդակությամբ հայտարարություններ, որոնց արձագանքելով՝ քաղաքացիները դառնում են հանցագործության զոհ:

Վերոնշյալ առաջարկներից օգտվելու դեպքում տարբեր անձինք տարբեր առևտրային կենտրոններում քաղաքացիներից խաբեության մեթոդներով են նրանց գումարներն ու հափշտակում:

Հանցագործության զոհ չդառնալու համար Հայաստանի Հանրապետության դատախազությունը հորդորում է քաղաքացիներին գումարների փոխանակումն իրականացնել օրինական կարգով՝ նման գործունեությամբ զբաղվող ընկերությունների միջոցով:


● Անցած 1 օրվա ընթացքում հանրապետությունում արձանագրվել է ճանապարհատրանսպորտային 5 պատահար. 5 անձ ստացել է տարբեր աստիճանի մարմնական վնասվածքներ:

ՄՇԱԿՈՒՅՑ

ԳԱԹ ՄԱՍՆԱԾՅՈՒՂ

ՀՈՒՇԱՐՉԱՆ-ՇԵՆՔԸ ԿԴԱՌՆԱ ԹԱՆԳԱՐԱՆ

ՀՀ կրթության, գիտության, մշակույթի եւ սպորտի նախարար Ժաննա Անդրեասյանը եւ Երեւանի քաղաքապետ Տիգրան Ավինյանը կնքել են մշակույթի ոլորտում համագործակցության հուշագիր:



Համաձայն հուշագրի՝ նախատեսվում է Հանրապետության 32 հասցեում գտնվող հուշարձան-շենքում հիմնել Գրականության եւ արվեստի թանգարանի մասնաճյուղ՝ նվիրված սփյուռքահայ նկարիչ, գործանկարիչ, հողարվեստի ուղղության հիմնադիր Մարկոս Գրիգորյանին:

Ստորագրման արարողությանը ներկա են եղել ԿԳՄՍ նախարարի տեղակալ Ալֆրեդ Քոչարյանը, Գրականության եւ արվեստի թանգարանի տնօրեն Սյուզաննա Խոջամիրյանը:

Հուշագրի շրջանակում ԿԳՄՍ նախարարությունը եւ Երեւանի քաղաքապետարանն իրենց լիազորությունների շրջանակում կօժանդակեն Հանրապետության 32 հասցեում գտնվող հուշարձան-շենքում Մարկոս Գրիգորյանի ստեղծագործությունների ցուցադրմանը՝ նվիրված արվեստագետի ծննդյան 100-ամյակին, որը լրանում է այս տարի: Նախատեսվում է նաեւ նրա կյանքին եւ գործունեությանը վերաբերող ժամանակավոր ցուցահանդեսների եւ միջոցառումների կազմակերպում: Երեւանի քաղաքապետն ու ԿԳՄՍ նախարարը շրջել են հուշարձանի տարածքում, ծանոթացել պայմաններին եւ քննարկել նախատեսվող աշխատանքները:

«Հուշագրի կնքմանը ամենաառանցքայինն այս շենքում Մարկոս Գրիգորյանի կողմից հատկացված թանգարանային տարածքում կիրականացվեն վերանորոգման եւ բարեկարգման աշխատանքներ:»

«Թանգարանը դառնալու է Երեւանի կարեւոր մշակութային վայրերից մեկը թե՛ տեղացիների, թե՛ զբոսաշրջիկների համար»,- վստահություն է հայտնել քաղաքապետը:

ՀՀ ԿԳՄՍ Նախարարության հետ կապերի եւ տեղեկատվության վարչություն

նի նվիրված թանգարանի հիմնումն է: Այս տարի նշվում է նրա 100-ամյակը, եւ սա լավագույն կերպով կլինի՝ մեծարելու նրա ստեղծագործական վաստակը»,- ասել է ԿԳՄՍ նախարարի տեղակալ Ալֆրեդ Քոչարյանը՝ հավելելով, որ հուշարձան-շենքի ճարտարապետությունը ոճային առումով համահունչ է Մարկոս Գրիգորյանի ստեղծագործություններին:

Երեւանի քաղաքապետ Տիգրան Ավինյանը կարեւորել է համագործակցությունը եւ նշել է, որ Երեւանի քաղաքապետարանի կողմից հատկացված թանգարանային տարածքում կիրականացվեն վերանորոգման եւ բարեկարգման աշխատանքներ:

ՀՀ ԿԳՄՍ Նախարարության հետ կապերի եւ տեղեկատվության վարչություն

ՄԱՐԶԱԿԱՆ

ԱՐԹՈՒՐ ՄԵՐՈՒՅԱՆԸ ՏԵՂԱՓՈԽՎԵԼ Է «ՇԵՐԻՖ»

Հայաստանի ֆուտբոլի ազգային թիմի անդամ Արթուր Մերոյանը հեռացել է «Արարատ-Արմենիա»-ից՝ միանալով մոլդովական «Շերիֆ»-ին:

Այս մասին հայտնում է «Արարատ-Արմենիա»-ի մամուլի ծառայությունը: Արթուր Մերոյանը «Շերիֆ» է տեղափոխվել վարձավճարով:

«Շերիֆ»-ը Մոլդովայի չեմպիոն է դարձել 20 անգամ, 12 անգամ տիրել է երկրի գավաթին, 7 անգամ էլ արժանացել է Մոլդովայի Սուպերգավաթին:

ՀԱՂԹԱՆԱԿՆ ԸՆԽՄԱՏՈՒՄ

Տիգրան Պետրոսյանի անվան շախմատի տանը մեկնարկեց Հայաստանի տղամարդկանց 85-րդ առաջնությունը:

Մրցաշարի անդրանիկ տուրում հաղթանակ տոնեցին Մամիկոն Ղարիբյանը, Ռոբերտ Յուզիանիսյանը եւ Զավեն Անդրիասյանը: Ոչ-ոքի ավարտվեցին Տիգրան Հարությունյան-Արթուր Դավթյան, Բենիկ Ազասարով-Կարեն Գրիգորյան պարտիաները:

Հայաստանի առաջնության երկրորդ տուրը կկայանա հունվարի 15-ին: Միմյանց դեմ կմրցեն՝ Դավթյան-Սարգսյան, Յուզիանիսյան-Անդրիասյան, Հայրապետյան-Պետրոսյան, Գրիգորյան-Ղարիբյան եւ Հարությունյան Տ.-Ազասարով զույգերը:

ՌՈՆԱԼԴՈՒՆ ԱԿՈՒՄԲ

ԿՄԵՓԱԿԱՆԱՇՆՈՐԻ

Կրիշտիանու Ռոնալդուն կդառնա Սանտոյան Արաբիայի «Ալ-Նասրի» համասեփականատեր՝ ակումբի հետ նոր պայմանագրի պայմաններով: Այս մասին հայտնում է Marca-ն:

Աղբյուրի տեղեկություններով՝ 39-ամյա իսպանացի կատանա բաժնետոմսերի 5 տոկոսը: Պորտուգալացի աստղը նոր պայմանագրից տարեկան պետք է վաստակի 200 միլիոն եվրո: Այսպիսով՝ Կրիշտիանուն կշարունակի մնալ աշխարհի ամենաբարձր վարձատրվող ֆուտբոլիստը եւ շաբաթական կվաստակի մոտ 3,8 միլիոն եվրո: Ընթացիկ մրցաշրջանում «Ռսկե գնդակի» հնգակի դափնեկիրը «Ալ-Նասրի» կազմում անցկացրել է 20 հանդիպում՝ դառնալով 17 գոլի եւ 3 գոլային փոխանցման հեղինակ:

ՏԵՂԱՓՈԽՈՒԹՅՈՒՆ

Ֆուտբոլի Հայաստանի ազգային հավաքականի երրորդ դարպասապահ Արսեն Բեգլարյանը հեռացել է «Արարատ-Արմենիայից» եւ ազատ գործակալի կարգավիճակում տեղափոխվել Չարենցավանի «Վան», հաղորդում է ակումբի մամուլի ծառայությունը:

31-ամյա Բեգլարյանը հանդես է եկել նաեւ «Միկա», «Գանձասար», «Ալաշկերտ», «Ուրարտու», բելառուսական «Ռնեպրո» Մոգիլյով, լատվիական «Լիեպայա» ակումբներում:

Բեգլարյանը 16 խաղում պաշտպանել է Հայաստանի ազգային հավաքականի դարպասը:

ՄԻՋՈՑԱՌՈՒՄՆԵՐ

ՀԱՍՏԱՏՎԵԼ ԵՆ ԳԻՏԱԿԱՆ ՆԱԽԱԳԾԵՐԸ

ԿԳՄՍ նախարարի հրամանով հաստատվել է 2024 թ. կազմակերպված ԿԳՄՍՆ բարձրագույն կրթության եւ գիտության կոմիտեի եւ Իտալիայի Հանրապետության ազգային հետազոտությունների խորհրդի կողմից անցկացվող գիտական հետազոտությունների համատեղ նախագծերի միջոցով միջազգային մրցույթի արդյունքում ֆինանսավորման երաշխավորված գիտական նախագծերի ցանկը:

Իտալիայի ազգային հետազոտությունների խորհրդի հետ ձեռք բերված համաձայնությամբ համատեղ ֆինանսավորման է երաշխավորվել 10 գիտական նախագիծ՝ 24 ամիս տևողությամբ:

«ՀՀ ԿԳՄՍՆ ԲԿԳԿ - ԻՀ ԱՀԽ - 2024» միջազգային մրցույթում երաշխավորված գիտական նախագծերի ֆինանսավորումը կմեկնարկի 2025 թ. փետրվարից: ՀՀ ԿԳՄՍՆ



Համաձայն հրամանի՝ միասնական քննությունների համար, ըստ առարկաների, սահմանված են հետևյալ օրերը.

- 25.01.2025՝ «Հայոց լեզու եւ հայ գրականություն»
- 26.01.2025՝ «Քիմիա», «Ռուսերեն»
- 01.02.2025՝ «Օտար լեզուներ»
- 02.02.2025՝ «Ֆիզիկա», «Աշխարհագրություն»
- 08.02.2025՝ «Մաթեմատիկա»
- 09.02.2025՝ «Կենսաբանություն», «Հայոց պատմություն»
- ՀՀ ԿԳՄՍՆ

ՑՈՒՑԱՀԱՆԳԵՄ

Շիրակի մարզպետի աշխատակազմի վարչական շենքում բացվել է Հայաստանի գեղարվեստի պետական ակադեմիայի Գյումրու մասնաճյուղի տարբեր տարիների շրջանավարտների ավարտական աշխատանքների ցուցահանդեսը: Ներկա-

յացված են շուրջ 2 տասնյակ տարաբնույթ թեմատիկաներով աշխատանքներ: Ցուցահանդեսները շարունակական են լինելու, նախատեսվում է թեմատիկ ու անհատական ցուցահանդեսների կազմակերպում: «Աշխատանքներում գույն ու ռիթմ կա, արտադրական մտածողություն, լույսի եւ ստվերի հիմնալի համադրություն, հարթության վրա իրականության կենդանացում, տարածության, ծավալի պատրանք ու մտքի թռիչքի հնարավորություն: Իսկ սա առօրյա աշխատանքային ծանրաբեռնվածությունից, պաշտոնական հանդիպումներից ու քննարկումներից հետո արվեստի հետ հաղորդակից լինելու, արվեստով հիանալու հնարավորություն է, ինչն ինձ համար կարեւոր է»,- նշեց Շիրակի մարզպետ Ղավթի Առուշանյանը՝ Հայաստանի գեղարվեստի պետական ակադեմիայի Գյումրու մասնաճյուղի տնօրեն Վահագն Ղուկասյանի հետ ցուցահանդեսում ներկայացված աշխատանքների ծանոթանալիս:

● Հունվարի 29-ին՝ ժամը 19:00-ին, Երեւանի պետական կամերային թատրոնում կցուցադրվի «Կարաբե ռեստարտ» 16+ պներկայացումը: Տոմսերի արժեքը՝ 3.000-8.000 դրամ:



Էջը՝ ԱԼՎԱՐԴ ԿՈՇԿԱԿԱՐՅԱՆԻ

ՓԱՍՏԱԹՂԹԵՐ

ՀԱՐՑ. Ես ուզում եմ իմանալ, թե որ փաստաթղթեր ապոստիլով վավերացման ենթակա չեն:
Սուրեն Պետրոսյան (39 տարեկան)



ՊԱՏԱՍԽԱՆ. Քաղաքացու հարցին ի պատասխան՝ տեղեկացնում ենք, որ ապոստիլով վավերացման ենթակա չեն՝

- 1) դիվանագիտական կամ հյուպատոսական գործակալների տված փաստաթղթերը,
 - 2) առետրային կամ մաքսային գործունեության հետ ուղղակիորեն կապված վարչական փաստաթղթերը:
- Կոնվենցիայի անդամ պետությունների իրավասու մարմինների՝ տվյալ պետության օրենսդրությամբ սահմանված կարգով եւ իրենց լիազորությունների շրջանակներում տրված փաստաթղթերը, որոնք վավերացված են ապոստիլով, Հայաստանի Հանրապետության տարածքում համարվում են վավեր, առանց հյուպատոսական վավերացման կամ այլ լրացուցիչ օրինակաւացման:

Վերը նշված փաստաթղթերի՝ ապոստիլով վավերացված լինելը պարտադիր է, եթե Հայաստանի Հանրապետության օրենքով այլ բան նախատեսված չէ, կամ Հայաստանի Հանրապետության միջազգային այլ պայմանագրերով վերացվել, պարզեցվել է օրինակաւացման ընթացակարգը, կամ փաստաթուղթն ազատվել է օրինակաւացումից:

Ապոստիլով չեն վավերացվում պաշտոնական այն փաստաթղթերը, որոնք ուղարկվում են «Քաղաքացիական, ընտանեկան եւ քրեական գործերով իրավական օգնության եւ իրավական հարաբերությունների մասին» 1993 թվականի հունվարի 22-ի Մինսկի կոնվենցիային միացած ԱՊՀ անդամ երկրներ, ինչպես նաեւ Բուլղարիա, Լիտվայի եւ Հայաստանի Հանրապետության միջազգային պայմանագրերով նախատեսված մի շարք այլ երկրներ: Եթե պետությունը Հաագայի կոնվենցիայի անդամ չէ, ապա փաստաթղթերի օրինակաւացումը (լեգալիզացիա) կատարվում է հյուպատոսական ճանապարհով:

ՀՀ արդարադատության նախարարություն

«ԺՈՂՎՈՒՐԳ». Պետտուրքի չափը 7 հազար դրամ է: Այն վճարվում է ՀՀ պետբյուջեի 900005163523 հաշվեհամարին ցանկացած բանկի կամ նախարարությունում գտնվող վճարման տերմինալների միջոցով:

ԿՎՐԳ

ՀԱՐՑ. Ուզում եմ իմանալ, թե ի՞նչ փաստաթղթեր են անհրաժեշտ հայրության որոշման դեմական գրանցման համար:

Օֆելյա Անանյան (39 տարեկան)



ՊԱՏԱՍԽԱՆ. Օ. Միզոյանի հարցին ի պատասխան տեղեկացնում ենք, որ հայրության ճանաչման պետական գրանցման համար երեխայի մոր եւ երեխայի նկատմամբ հայր ճանաչող անձի համատեղ դիմումը կարող է տրվել երեխայի մոր հիշույթյան ընթացքում ծննդի պետական գրանցման ժամանակ կամ դրանից հետո: «Նոտարիատի մասին» օրենքով սահմանված կարգով, նոտարի հաստատած իրավաբանական փաստի մասին նոտարական ակտի կամ դատարանի՝ օրինական ուժի մեջ մտած համապատասխան վճռի հիման վրա հայրության ճանաչման պետական գրանցման համար դիմումը կարող է ներկայացվել բացառապես երեխայի ծննդի պետական գրանցումից հետո՝ շահագրգիռ անձի կողմից: Հայրության ճանաչման պետական գրանցման համար ներկայացվում են՝

- 1) համատեղ դիմումի դեպքում՝ երեխայի նկատմամբ իրեն հայր ճանաչող անձի եւ երեխայի մոր անձը հաստատող փաստաթղթերը.
- 2) երեխայի ծննդի գրանցման մասին վկայականը կամ ակտային գրանցման տվյալները, եթե հայրության ճանաչման գրանցումը կատարվում է երեխայի ծննդի պետական գրանցումից հետո.

2 արունակելի
ՀՀ արդարադատության նախարարություն

«ԺՈՂՎՈՒՐԳ». Հայրության ճանաչման պետական գրանցումը կատարվում է դիմումը եւ անհրաժեշտ փաստաթղթերը ներկայացնելու նույն աշխատանքային օրը:

ԼՈՒՐ ԿԱԴՐ

Լուսանկարը՝ համացանցից



Գունազեղ ու արստրակտ այս գեղանկարները գեղարվեստի պետական ակադեմիայի Գյումրու մասնաճյուղի տարբեր տարիների շրջանավարտների ավարտական աշխատանքներն են, որոնք երեկ ներկայացվեցին ցուցահանդեսում:

Ցուցահանդեսը Շիրակի մարզպետի աշխատակազմի վարչական շենքում էր:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդադարաւանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____

Ազգանուն՝ _____


Առաքման հասցե՝ _____

Բջջային եւ/կամ քաղաքային հեռախոս՝ _____

Հեռ.՝ (060) 490049

0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-15 - 20 -2 + 2	Արարատ	0 - 5 +2 + 4
Կոտայքի լեռներ	-10 - 15 -2 + 2	Արմավիր	-2 - 5 +2 + 4
Կոտայքի նախալեռներ	-4 - 9 0 + 3	Վայոց ձորի լեռներ	-6 - 9 +2 + 4
Գեղարքունիք	-8 - 11 -2 + 1	Վայոց ձորի նախալեռներ	-1 + 2 +2 + 5
Լոռի	-4 - 8 +7 + 10	Սյունիքի հովիտներ	0 + 3 + 8 + 10
Տավուշ	0 - 2 +3 + 6	Սյունիքի նախալեռներ	0 + 3 + 7 + 10
Արագածոտնի լեռներ	-15 - 18 -2 + 2	ԼՂՀ	-2 - 6 + 8 + 10
Արագածոտնի նախալեռներ	-5 - 9 -2 + 2	Երեւան	-1 - 3 0 + 2

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 15.1.2025
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրայնաւում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադատությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: